

**Конкурс за 24. Руски Фестивал Малих Сценских Формох  
"Дюра Папгаргаї" - 2026.**

**Условия конкурса:**

1. Право участвовац на конкурс за нови руски театрални тексти малих сценских формох маю шицки заинтересовани особи державяне Републики Сербиї як и странски державяне, з тим же иста особа може буц автор найвецей 2 (двох) текстох. На конкурс не можу участвовац члени конкурсней комисії.
2. Тексти хтори ше послаю на конкурс не шму буц уж обявйовани лебо виводзени.
3. Тексти ше на конкурс послаю по имейлу на: [matka.drnsv@gmail.com](mailto:matka.drnsv@gmail.com) зоз назначеньом: **ЗА КОНКУРС**, а може и по пошти, лебо особне на адресу:

**МАТКА - ДРУЖТВО РУСНАЦОХ НОВОГО САДУ - ВОЙВОДИНИ  
за Фестивал „Дюра Папгаргаї” - 2026.  
улїца Йована Суботича чл. 8  
21000 Нови Сад**

**У прияви на конкурс муши буц шлїдующе:**

- кед же ше текст посла преїг пошти, лебо доручує особне:
  - текст малих сценских формох на руским язичу у двох прикладнїкох, з тим же на насловним боку треба же би стала лем назва театралного твору БЕЗ мена и презвиска автора, и
  - на окременим паперу мена и презвиско автора, адреса, контакт телефон и имейл.
- кед же ше текст посла преїг имейлу:
  - у додатку/атачменту имейлу текст малих сценских формох на руским язичу, з тим же на насловним боку треба же би стала лем назва театралного твору БЕЗ мена и презвиска автора, и
  - у "целу" имейлу, лебо у другим додатку/атачменту того истого имейлу мена и презвиско автора, адреса и контакт телефон.

Подношитель прияви одвитує за точносц податкох о тексту и автора.

4. Конкурс отворени од дня обявйованя на веб сайту Рутенпрес-у: [www.ruskeslovo.com/rutenpres](http://www.ruskeslovo.com/rutenpres) и у тижньових новинох „Руске слово”, а заключно зоз **15. юлийом 2026.** року.  
Тексти хтори сцигну по завераню конкурса (16. юлия 2026. року и познейше) не буду ше розпатрац.
5. Тексти хтори сцигну на конкурс ше не врацаю. Подношитель прияви нема право поцагнуц приявени текст.
6. Зоз текстох хтори сцигну на конкурс, окремна комисия, менована з боку МАТКИ-Дружтва Руснацох Нового Саду - Войводини, вибере гевти тексти хтори спрам ей думаня задоволюю уметнїцки и други вимоги конкурсу и Фестивалу. Зоз авторами текстох хтори буду избрани организатор Фестивала заключи

- окремни контракти о одкупйованю тих текстох, односно о преношеню шицких авторских правох на МАТКУ-Дружтво Руснацох Нового Саду - Войводини.
7. МАТКА-Дружтво Руснацох Нового Саду - Войводини ше будзе намагац же би шицки избрани и одкупени тексти були виведзени на Фестивалу у наиходзацим чаше. Глумцох и режисерох виключно вибера организатор Фестивалу. Подношитель прияви, односно текстописатель може у прияви предложит глумца и/лебо режисера за текст за хтори подноши прияву. У тим случаю, одлуку о глумцови и/лебо режисерови принеше ше у поради. Кед то не будзе можливе, конечно одлуку принеше организатор Фестивалу.
  8. Зоз посланьом прияви на конкурс, подношитель прияви (текстописатель) дава согласносц же ше избрани тексти по перши раз явно виведли на Фестивалу, преноша/емитую на програми радия и телевизии. Шицким познатим модалитетом емитованя, зазначае, умножуе и кладзе до обтоку без огляду на способ умножованя и кладзеня до обтоку, знима на ношач звука, односно слики и звука, умножуе и кладзе до обтоку без ограниченя у поглядзе числа прикладних. Согласносц ше дава на достати тексти, вименени тексти и преробени тексти за потреби МАТКИ-Дружтва Руснацох Нового Саду-Войводини. Права ше преноша виключно як предметни, часово, просторно и по числу без ограниченя. МАТКА-Дружтво Руснацох Нового Саду-Войводини ма право наведзени права пренесц на трецу особу без окременной согласносци автора. МАТКА-Дружтво Руснацох Нового Саду-Войводини заклучи контракт зоз авторами избраних текстох.
  9. Надополнене за автора (текстописателя) по єдним избраним тексту будзе у складу зоз виносом котри ше достане по проєктох.
  10. Фестивал ше отрима першого викенду у децембру 2026. року. Кед же придзе до вименкох, о точним датуму и термину учашники буду благочасово поинформовани.
  11. Шицки дополнюци информации и обвисценя ше може достац:
    - на телефон: +381 63 58-97-78, лебо
    - прејг имейлу: [matka.drnsv@gmail.com](mailto:matka.drnsv@gmail.com)